

常郡八邑艺文志

常郡八邑藝文志

東里盧文弼纂定

武進莊翊昆新渠氏校補

陽湖莊毓鉉俊甫氏重

卷十二 七言律詩

晉陵大酺

唐 杜審言

送陸禮倉曹西上

劉長卿

晚登江樓有懷

李嘉祐

答李滁州見寄

獨孤及

三月三日義興李明府汎舟

皇甫冉

送晉陵王少府赴選

李端

寒食寄李補闕

郭 鄆

寄獨孤常州時蒙溪幽居在義興益增懷思

李幼卿

遊義興寺寄上李逢吉相公

令孤楚

赴蘇州至常州答賈舍人

白居易

夜聞賈常州崔湖州茶山境會相羨歡宴因寄此詩

白居易

晚春閒居楊工部寄詩楊常州寄茶同到因以長句答之

白居易

夜泊毘陵之無錫有寄

白居易

憶題惠山寺書堂

李 紳

憶放鶴 并序

李紳

重到惠山 并序

李紳

別石泉 并序

李紳

別雙溫樹 并序

李紳

重別西湖 并序

李紳

毘陵東山 并序

李紳

建元寺 并序

李紳

送崔郎中赴常州

姚合

李侍郎于陽羨里富有泉石牧亦於陽羨粗有薄產敘舊述

懷因獻長句四韻

杜牧

題衛將軍廟

并序

許渾

懷惠山寺

許渾

宿望亭館寄蘇州一二同志

許渾

長慶寺遇常州阮秀才

許渾

寄毘陵魏處士朴

皮日休

和前

陸龜蒙

贈南嶽馮處士詩二首

曹唐

送程師尊之晉陵

羅隱

癸卯歲毘陵會中貽同老

章碣

夏日湖上卽事寄晉陵蕭明府

章碣

山居卽事二首

陸希聲

暮冬送何秀才歸毘陵

伍喬

送江少府授延陵後寄

伍喬

寄毘陵劉博士

宋王禹偁

餞光祿兩張卿退居

杜衍

惠山慶上人

燕肅

題山亭

蔣堂

常州李使君被召還臺

胡宿

送陳學士赴常州

胡宿

送呂解元江陰禮席

胡宿

芙蓉湖泛舟

胡宿

憶薦福寺牡丹

胡宿

和朱況雨中之什

胡宿

冲虛觀

胡宿

送陳商學士知常州

韓琦

有懷蔣堂侍郎

趙抃

送沈學士知常州

歐陽修

饒光祿兩張卿退居

歐陽修

前題

蔡襄

前題

呂溱

寄題常州東山亭二首

司馬光

酬邵提刑

王安石

求守江陰未得酬昌叔憶江陰見及之作

王安石

送沈康知常州

王安石

次韻舍弟常州官舍應客

王安石

思王逢原

王安石

寄朱昌叔

王安石

寒食日常州宴春園

陳襄

送王郎中知江陰

梅堯臣

送江陰簽判晁大祝

梅堯臣

次蔣穎叔韻

蘇軾

惠山謁錢道人烹茶登絕頂望太湖

蘇軾

錢安道席上令歌者道服

蘇軾

除夜野宿常州城外二首

蘇軾

常潤道中寄述古

蘇軾

贈惠山僧惠表

蘇軾

張公洞

蘇軾

前題

楊傑

題季子墓

曹確

訪慧山錢道人不遇

周邠

遊張公洞呈知縣

蔡肇

閩霍仁仲唱名第一

鄒浩

謝黃從善司業寄惠山泉

重出

黃庭堅

戲孫仲益迎婦湖東久留毘陵

汪藻

遊張公洞

曾幾

宜興邵智卿天遠堂

曾幾

發宜興

曾幾

吳傅朋送惠泉井石刻

曾幾

題義興惠聲伯溪亭

孫覿

臞庵浮天閣

孫覿

送梁仲謨尹武進

李綱

善權卽事

李綱

正月詣天慶觀謝雪

楊萬里

寄茶尤延之答寄黃蘗

楊萬里

次李倅子壽郡集詩韻

楊萬里

多稼亭前芍藥紅白對開

楊萬里

雨霽將兒輩登多稼亭

楊萬里

苦熱登多稼亭

楊萬里

懷古堂前小梅漸開

楊萬里

寓倅廳寒夜不寐

楊萬里

遊惠山

樓鑰

周將軍廟觀岳侯石像

薛季宣

問道宜興

岳珂

自湖沒至青口有數老拜道旁獻新茗遮道不已感却謝之

岳珂

趙龍學寄陽羨茶

方岳

過無錫

并序

文天祥

追賦暮遊

并序

許月卿

過常州

汪元量

題莫城廟

鄭夷亮

浮遠堂

史鶴之

白龍寺祈雨

徐綱

題宜興迎華驛

無名氏建炎間

遊南山

元趙孟頫

過毘陵謁東坡祠

方回

毘陵道中

戴表元

送張仲賓任江陰教官

戴表元

遊宜興張公洞

仇遠

過長橋書所見

曹伯啟

送徐元度

并序

虞集

遊惠山寺

楊 載

贈惠山聖長老

楊 載

與江陰何鼎叔久別相見於錢塘感舊述情

黃 潛

季子廟

薩都刺

送約上人歸宜興湖湫寺

薩都刺

強振之招遊絜山新築別業

柳 貫

留題惠山

移刺迺

前題

柯九思

送王誠夫無錫知州

柯九思

天慶觀丹樓

陸文圭

遊梁溪暮歸

朱德潤

題常州玄妙觀陳道士飛霞樓

朱德潤

舟過毘陵

周權

忠山懷古

王仁輔

趨冲寂觀

陳鈞

次元鎮伯雨錫山倡和之作

張翥

題廣福寺古田上人水榭

張翥

送謨侍者還江陰

張翥

澄江詩社賦得析白蛇劍

張端

翠光亭

陳樵

送韓仲讓都司梁溪防秋

成廷珪

笠澤漁隱

陳子貞

遊惠山

陳方

君山登覽

貢師泰

遊錫山

陳基

次韻懷華幼武

陳基

題清閻閣

倪瓚

西神山行

倪瓚

題薩仲明延陵半野軒

倪瓚

送寶南琛住荆溪碧雲寺

倪瓚

荆溪卽事

倪瓚

登惠山二首

顧瑛

同華處士酌惠泉

俞焯

惠山寺行殿

杜竹處

題麻監州墳

范致大

宿黃吉甫萃渙園

張獻翼

中秋夜泛舟鷺湖

周翼

經無錫觀二泉

黃鎬

善權山洞

張雨

題雲林居

張雨

宿馬蹟山留別

王逢

送安上人歸馬蹟山

王逢

無錫寓隱謝王左丞彥熙攜酒饌遠過

王逢

題鄒旅雲青山老隱圖

并序

王逢

題張會嘉桶底圖

并跋

王逢

觀大府除日盧宜興希文知崑山奉寄

王逢

答元鎮

楊維禎

雲林草堂答元鎮次韻

楊維禎

訪倪元鎮不遇

楊維禎

過毘陵東門寺敬公留飲

華幼武

自延陵歸適馬蹟山鉅彥功惠貺多品以詩謝之

華幼武

與華景章遊惠山

馬治

和范德原倪元鎮城南倡酬詩

張簡

華孝子祠

顧諒

端居

繆鑑

孤山觀濤有感

李令哲

毘陵道中

明陶安

遊張公洞

吳雲

哀李士龍將軍

張宣

赤山書事寄龜臺集

楊基

秋夜與浦舍人敘別

林鴻

避亂後歸徙居橫山四首

謝應芳

閱馬蹟山記寄西青山人

謝應芳

和澗天澤住持

謝應芳

寄倪元鎮

謝應芳

次韻董明府兼贈陳縣丞尹主簿

謝應芳

董明府除夕惠炭

謝應芳

寄江陰夏翁

韓奕

中秋寓無錫懷朱逢吉

莫士安

西城晚眺

浦源

送禮科給事中薛兼歸江陰

盧熊

送陸源祥歸江陰

袁華

竹茶爐

王達

前題

王紱

華藏寺望湖亭

錢仲益

李相書堂

周忱

閩江伍相祠

瞿佑

遊保甯寺二首

王慎

重遊祥符寺

聶大年

重遊惠山寺

聶大年

登官長峯憩妙湛庵

聶大年

澄江草堂夏景昭索賦

聶大年

送空海掃塔還夫椒

聶大年

李和書堂

聶大年

黃濱舊居有感

沈暉

無錫殷氏婢守節秦武昌延韶有傳識之以詩

李東陽

送陸貢士筮還常州

李東陽

陸貢士筮以伯兄治齋學士校藝春閣避不入試歸常州詩

以送之

李東陽

題夫椒山

秦夔

復和竹茶爐

秦夔

贈夏主事

程敏政

送白太傅致仕歸毘陵

吳寬

送白主事輔之還里

吳寬

慨齋爲曹御史賦二首

吳寬

送胡文博令武進

楊一清

宜興張氏雙桂堂

王鏊

沈亞卿時暘約遊張公洞風雨大作

王鏊

卷畫溪

王鏊

善權寺

王鏊

邵二泉點易亭右得泉有詩次其韻

王鏊

喜得精舍地有作用杜韻

邵寶

二泉書院

邵寶

憶東林精舍寄華補庵

邵寶

燦山明陽觀

邵寶

同吳翁謁蜀山蘇祠

費宏

邀費鵞湖過山莊避暑

吳儼

野翁莊

沈周

題繆苔石遺稿

沈周

吳塘

史鑑

香山寺

莫止

處江亭詩

薛章憲

經苔石先生故居

薛章憲

大觀亭

錢福

春日周陳王氏園亭

杭淮

王東崖新理園池留飲亭上

杭淮

癸巳秋復至東園亭惜不見主悵然有作

杭淮

贈西青錢先生

杭淮

蓼莪庵

杭淮

李相書堂

盛頤

秋日寓王氏山莊

徐問

虛庵陳郡公建道南書院

徐問

留瓠堂

陸簡

歲暮

殷雲霄

卧病縣齋

殷雲霄

江陰郭上舍見訪夜宴賦贈二首

倪宗正

寄江陰劉毅齋光祿

倪宗正

毘陵太平寺逢胡長嘯

倪宗正

寄毘陵錢別駕朝用

倪宗正

送海岳陳翁還常州

何景明

送顧隱君還常州

何景明

寄無錫呂仲仁碧山居

邊貢

聞江陰解園喜而獨酌爛醉

孫一元

夏日集胡光祿會芳園和鷺洲郡守韻

周金

和劉祠部平嵩登道南書院望閩樓韻

周金

滿湖

陸範

留瓠堂

唐貴

送惲正甫韻歸毘陵

唐貴

遊神墩寺

唐瑤

宋子學移居和韻

唐瑤

和葉一之題忠義祠

毛憲

和葉古心謁謝龜巢墓

毛憲

謁楊龜山祠

毛憲

題祥符寺松

夏言

秋日遊善卷寺

吳仲

一島

文徵明

種竹縣齋

章商臣

續碧山吟社次韻

華察

寄唐荆川二首

王慎中

訪唐荆川

羅洪先

別唐荆川

羅洪先

和徐養齋移居二首

唐順之

夜歸草堂二首

唐順之

草堂二首

唐順之

小樓宴坐二首

唐順之

和徐養齋懷毛古庵及小子之作

唐順之

贈天甯寺僧八十

唐順之

再遊清溪莊值主人不在次韻

唐順之

贈醫士楊東亭

唐順之

塵外樓二首

唐順之

謁顧涇陽公祠

海瑞

大池別業

施策

上巳後二日山中喜晴限韻

浦應麟

送同館胡仲望謫常州

孫陞

送張元諭虞部謫常州別駕

李攀龍

錫山尊賢祠

李攀龍

秦丈爲武昌公建開利寺觀鵞亭

李攀龍

常州道中逢王百穀

王世貞

壽宜興吳詹簿六十

王世貞

偕友遊惠山東園卽事有述

王世貞

華太學邀遊惠山西園與友同賦

王世貞

題祥符寺松

宗臣

史郡伯招飲新園投贈二首

唐鶴徵

訪劉勳衛於墓廬

唐鶴徵

題安陽山翠微寺

唐皞

謁鄒忠公墓次韻

唐駿發

卜居新塘灣

龔三益

寄呈唐荆川先生

吳維嶽

晚泊武進唐荆川先生輕棹過訪

吳維嶽

毘陵逢羅狀元

萬表

自題愚公谷

鄒迪光

施同卿新園社集得刪字

嚴一鵬

水居二首

高攀龍

再過無錫訪鄒彥吉

鍾惺

五日郝仲輿使君招飲君山

何白

聽松庵

韓友直

宿聽松庵時李貞伯先別

韓友直

遊蓼莪我庵憶唐中丞

鄭梓

龍池

吳大禮

移家荆溪酬諸老見訪

吳大禮

遊孤山

朱一馮

寬民堂

顏耆仲

隱君泉

錢孝

秋堂夜坐

陳一麟

閒居述懷

陳一麟

永陽殉難二首

劉熙祚

歸夫椒山

陳睿謨

渡西瀉湖

吳正志

過鴈門

許鼎臣

滄洲社諸子招集君山分得題字

潘之恒

宿菰川僑居有感

堵允錫

東林道南書院志感

陳繼儒

宜興道中次百史韻

邢昉

送李生隱破山

邵濂

村寓雜詩二首

黃毓祺

和李仲達題壁詩

魏浣初

和寒亭詩

徐遵湯

塵外樓

釋普聲

贈江上李膺公

國朝 吳偉業

遊蒹葭莊

楊廷鑑

寓放生池陳椒峯送酒

杜濬

秋日送王子歸江陰二首

毛先舒

陳介夫自錫山歸過訪同張古迂王雲九

呂嘉岳

清明日偕許惠諸友縱步

呂嘉岳

遊繇嶺

呂嘉岳

蛟橋夜月

黃錫朋

國山烟寺

周啟鵞

銅峯疊翠

周啟鵞

茶山卽事

莊同生

永慶寺誦羅念庵詩

莊同生

徙居郊外二首

毛重倬

秋日同錢燕穀泛舟白蕩尋菊吳大聲蒹葭莊醉歸

董文驥

答毘陵鄒訏士

顧九錫

移居戴溪二首

黃永

春申礪上

王士禛

夜泛震澤

徐乾學

泖泖雪蓑

徐階鳳

晚步放生池觀荷

楊大鯤

暮春雨後遊陳灣山

毛羽宸

野望

高照

艤舟亭懷古

賀麒徵

蒹葭莊看梅二首

董以甯

月夜同史庸庵董文友過范廣文署齋飲卽席贈范

龔百藥

移居青墩二首

董元愷

答無錫吳伯成

曹禾

毘陵觀競渡

曹禾

再寄鄭山公

曹禾

寄邵子湘青門草堂

郭元鈺

萬招看立堂牡丹同浣花諸子限韻

董大倫

望馬蹟山懷吳大奉猷

董大倫

茶山古墓感賦

黃章

看東郭楊家晚菊就飲毘耶堂

胡香昊

過華孝子祠

彭定求

延陵懷古

唐惲宸

過漁洋山

唐惲宸

九日泊舟東郭

陳聶恒

晚步舍北

陳聶恒

梁鴻溪

張列宿

忍草庵詩社集

顧埜

湯撫憲蒞東林因憶先伯祖忠憲公丙寅全歸正六十年次

礎日韻志感

高菖生

釀花莊雜詠二首

華天衢

復竹茶爐和顧梁汾

秦保真

太保墩

王幾

山中晚歸

嚴繩孫

忍草庵度夏寄貽京王二

侯文燾

贈張惕庵

趙繼光

自孟瀆渡楊子江

邵長蘅

自題青門草堂

邵長蘅

望太湖二首

邵長蘅

憶鶴宕示兒子濂書

蔣金式

鶴宕

蔣金式

肇祀東坡先生於白雲溪上孫氏寓館拈眉山二字記事二

首

陳鍊

謁平西將軍墓

湯能翀

湖濱眺遠

邵俠

遊石磬

徐蓀

送陳康侯赴常州二首

李良年

遊善權寺

蔣景祁

登龍池山絕頂望白雲巖

曹亮武

玉女潭

孫亢宗

入龍池山坐蕩息亭

路念祖

同其年原白攜壺福生寺

吳梅鼎

再過龍池禹門禪院

吳璟

娑羅樹

楊湛露

江陰陸天濤明府招集署齋

吳綺

重遊韓園喜晤爾鉉

吳綺

立冬前一日同集生玉亭遊君山登望江樓遠眺

吳綺

澄江九日作

吳綺

澄江喜晤昉思過飲玩月

吳綺

同廣霞飲石霞齋頭分韻

吳綺

登君山

吳綺

過漫園訪陳元伯卽贈

吳綺

高公止水

并引

葉復

漆園九老會詩

并序

莊樞

芙蓉湖紀遊

包士會

奔牛

許田

呂城

許田

懷東坡艤舟亭

儲麟趾

秋霽晚步

蔣麟昌

抵家後書感

董潮

閉門

陳龍珠

謁季子廟

陳龍珠

和莊書雲濠園宗會詩原韻二首

陳龍珠

行茶山道中

陳龍珠

偶過白雲尖散步卽事

陳龍珠

雨窗試新茶次弟秋睦韻

李英

雨窗試新茶

李萼

晨起開門偶有會意

李萼

扁舟晚興

李萼

次兒楫奉

命勘獄浙江蒞事回京便道歸省作詩示之

刑部郎中
吳楫母 左恭人

癸酉中秋和表姑丁景湘韻

左恭人

常郡八邑藝文志卷十二之上

東里盧文昭纂定

武進莊翊昆新渠氏校補

陽湖莊毓銓俊甫氏重校

七言律詩

晉陵大酺

唐杜審言

毘陵震澤九州通
士女懽娛萬國同
伐鼓撞鐘驚海上
新妝袿服照江東
梅花落處疑殘雪
柳葉開時任好風
火德雲官逢道泰
天長地久屬年豐

送陸澧倉曹西上

劉長卿

長安此去欲何依
先達誰當薦陸機
日下鳳翔雙闕迴
雲中人去

二陵稀舟從故里難移棹家在寒塘獨掩扉臨水自傷淪落久贈君空有淚沾衣

晚登江樓有懷

李嘉祐

獨坐南樓佳興新青山綠水共爲鄰爽氣遙分隔浦岫斜光偏照渡江人心閒鷗鳥時相近事簡漁竿私自親只憶帝京遙可到秋
琴一弄欲沾巾

答李滁州見寄

獨孤及

相逢邂逅別離牽三見江皋蕙草鮮白髮俱生歡未再滄洲獨往
意何堅愁看郡內花將歇忍過山中月屢圓終日望君休汝騎愧
無堪報起予篇

三月三日義興李明府汎舟

皇甫冉

江南煙景復如何，聞道新亭便可過。
處處藝蘭春浦綠，萋萋藉草遠山多。
壺觴須就陶彭澤，風俗猶傳晉永和。
更使輕橈徐轉去，微風落日水增波。

送晉陵王少府赴選

李端

相看不忍盡離觴，五兩牽風速去檣。
遠驛新砧應弄月，初程殘角未吹霜。
越山直下分吳苑，淮水橫流入楚鄉。
珍重鄰家好兄弟，明年祿位在何方。

寒食寄李補闕

郭 鄆

蘭陵士女滿晴川，郊外紛紛拜古埏。
萬井闐闐皆禁火，九原松柏

定本ノ古詩三十一卷十一
自生烟人間後事悲前事鏡裏今年老去年介子終知祿不及王
孫誰肯一相憐

奉寄獨孤常州時蒙溪幽居在義興益增懷思

李幼卿

近日霜毛一番新別時芳草兩迴春不堪花落花開處況是江南
江北人薄宦龍鍾心設嬾故山寥落水齋淪緣君愛我疵瑕少願
竊仁風寄老身

遊義興寺寄上李逢吉相公

令狐楚

柳營無事詣蓮宮

相公久住此寺

步步猶疑是夢中勞役徒爲萬夫長閒

遊曾與二人同鳳鶴飛去仙巢在龍象潛來講席空松下花飛頻

伫立一心千里憶梁公

赴蘇州至常州答賈舍人

白居易

杭城隔歲轉蘇臺，還擁前時五馬回。
厭見簿書先眼合，喜逢杯酒暫眉開。
未酬恩寵年空去，欲立功名命不來。
一別承明三領郡，甘從人道是麤才。

夜聞賈常州崔湖州茶山境會相羨歡宴因寄此詩

白居易

遙聞境會茶山夜，珠翠歌鐘俱遶身。
盤下中分兩州界，燈前合作一家春。
青娥遞舞應爭妙，紫筍齊嘗各闕新。
自歎花時北窗下，蒲黃酒對病眠人。

晚春閒居楊工部寄詩楊常州寄茶同到因以長句答之

白居易

宿醒寂寞眠初起
春意闌珊日未斜
勸我加餐因早筍
恨人休醉是殘花
悶吟工部新來句
渴飲毘陵遠到茶
兄弟東西官職冷
前車馬向誰家

夜泊毘陵之無錫有寄

白居易

草蟲幽咽露初溽
獨繫孤舟夜已闌
濁浪勢奔吳苑急
疎鐘聲出慧山寒
愁催鬢髮凋何易
貧戀家鄉別漸難
他日親朋應大笑
始知書劍是無端

憶題惠山寺書堂

李紳

故山一別光陰改，秋露清風歲月多。
松下壯心年少去，池邊衰影老人過。
白雲生滅依巖岫，青桂榮枯託薜蘿。
惟有此身長是客，又驅旌旆寄烟波。

憶放鶴

并序

李紳

頃年無錫閉居里，人獻鶴雛余馴養之。
周歲羽毛既成，見其宛頸長鳴，有烟霄之志，閒籠放之一舉，沖天復迴翔久之乃去。

羽毛似雪無瑕點，顧影秋池舞白雲。
閒整素儀三島近，迴飄清唳九霄聞。
好風順舉應摩日，逸翮將成莫戀羣。
凌厲坐看空碧外，更憐鳧鷖老江濱。

重到惠山

并序

李紳

再到石泉寺內有禪師鑒予影堂在寺南峯下頃年與此僧同
在惠山十年鑒予在壽春相訪因追舊歡

碧峯依舊松筠老重得經過已白頭
俱是海天黃葉信兩逢霜節
菊花秋望中白鶴憐歸翼行處青苔恨昔遊
還向窗間名姓下數
行添記別離愁

別石泉

并序

李紳

在惠山寺松竹之下甘爽乃人間靈液清澄鑿肌骨含漱開神
慮茶得此水皆盡芳味

素沙見底空無色青石潛流暗有聲
微度竹風涵漸瀝細浮松月
透輕明桂凝秋露添靈液
若折香芽泛玉英應是梵宮連洞府浴

池今化醒泉清

別雙溫樹

并序

李紳

往年於惠山書房前手植今已喬柯數尋干雲蔥翠陰日此樹
移過江多死有類丹橘

翠條盈尺憐孤秀植向西窗待月軒輕翦綠絲秋葉暗密扶纖榦
夏陰繁故山手種空懷想溫室心知不敢言看爾拂雲今得地莫
隨陵谷改深根

重別西湖

并序

李紳

東去日前別湖中雙鷓鴣翦翠早梅等三題及西來則鷓鴣翦
翠悉皆翔失梅衰秋葉重起前歎耳

浦邊梅葉看凋落波上雙禽去寂寥吹管曲傳花易失織文機學
羽難飄雪欺春早摧芳萼隼厲秋深拂翠翹繁豔彩毛無處所盡
成愁歎別谿橋

毘陵東山

并序

李紳

東山在毘陵驛南連水西館館即獨孤及在郡所置荒廢已久
至孟公簡重修植以花木松竹等可翫孟公在郡日余以校書
郎從役同宴於此今則荒廢仍舊

昔人別館淹留處下築東山學謝家叢桂半空堆枳棘曲池平盡
隔煙霞重開漁浦連天月更種春園滿地花依舊秋風還寂寞數
行衰柳宿啼鴉

建元寺 并序

李紳

寺在常州東郭松扉竹院各在岡阜地甚疎通連接郊外每歲
寒食里人祭掃經過之所大厯中詩人郭雲當作曾賦寒食詩
贈吏部先兄當時以爲絕唱紳在兒童卽聞此詩因和云

江城物候傷心地遠寺經過禁火辰芳草壠邊迴首客野花叢裏
斷腸人紫荆繁豔空門畫紅藥新聞古殿春歎息光陰催白髮莫
悲風月獨筵巾

送崔郎中赴常州

姚合

賁是鶴原在紫微榮逢知已領黃扉人間盛事今全得江上政聲
復欲歸風起滿城山果落雨餘穿宅水禽飛昔年嘗作毘陵客石

峭泉清天下稀

李侍郎於陽羨里富有泉石牧亦於陽羨巖有薄產敘舊述

懷因獻長句四韻

杜牧

冥鴻不下非無意塞馬歸來是偶然紫綬公卿今放曠白頭郎吏
尚畱連終南山下拋泉洞陽羨溪中買釣船欲與明公操屐杖願
開休去是何年

題衛將軍廟

并序

許渾

將軍名邁陽羨人少習詩書學弓劍有武畧二十七游并汾間
遇神堯皇帝始建義旗逃以勇藝進備行列洎擒竇建德逃時
據鎗劍前笑後翼太宗顧而奇之天下既定錄其功拜將軍宿

衛以母老且病乞歸侍殘年辭旨哀激詔許之既而以孝敬睦
閭門以忠信居鄉里及卒邑人懷其賢廟於荆溪之淵以平生
弓甲懸東西廡下歲時祠祭頗福其土焉文士王敖撰碑辭實
詳備惜乎國史闕書其人因題是詩於廟壁

武牢關下護龍旗挾梨絜弧馬上飛漢業未興王霸在秦軍纔散
魯連歸墳穿大澤埋金劍廟枕長溪挂鐵衣欲奠忠魂何處問葦
花楓葉雨霏霏

懷惠山寺

許渾

排空殿塔倚巖巒松韻經聲月袞寒兩眼流泉清戶牖九龍飛雨
灑闌干沈紗女弄金池影聽法烏噉施食盤借問繡衣車馬客幾

時林下脫儒冠

宿望亭館寄蘇州一二同志

許渾

候館人稀夜自長，
姑蘇城遠樹蒼蒼。
江湖水落高樓迴，
河漢秋歸廣簾涼。
月轉碧梧移鵲影，
露低紅葉溼螢光。
西園詩侶應多思，
莫醉笙歌掩畫堂。

長慶寺遇常州阮秀才

許渾

高閣晴軒對一峯，
毘陵書客此相逢。
晚收紅葉題詩遍，
秋待黃花釀酒濃。
山館日斜喧烏雀，
石潭波動戲魚龍。
上方有路應知處，
疏磬寒蟬樹幾重。

寄毘陵魏處士朴

皮日休

文籍先生不肯官
絮巾衝雪把漁竿
一堆方冊爲侯印
三級階巖
是將壇醉少最因吟
月冷瘦多偏爲臥
雲寒兔皮衾煖
蓬舟穩欲
其誰遊七里灘

和前

陸龜蒙

經苑初成墨沼開
何人林下肯尋來
若非宗測圖山後
卽是韓康
賣藥迴溪籟自吟
朱鷺曲沙雲還作
白鷗媒唯應地主
公田熟時
寄君家麴藥材

贈南嶽馮處士詩一首

曹唐

白石溪邊自結廬
風泉滿院稱山居
鳥嘯深樹斲靈藥
花落閒窗
看道書煙嵐晚
過綠簑溼水月夜
明山舍虛支頤
冷笑緣名出終

日王門強曳裾

寂寥深木閉煙霞洞裏相知有幾家
笑看潭魚吹水沫醉噴溪鹿喫蕉花
穿廚歷歷泉聲細繞屋悠悠樹影斜
夜靜簪灰封釜竈自添文武養丹砂

送程師尊之晉陵

羅隱

棟間雲出認行軒
郊外陰陰夏木繁
高道乍爲張翰侶
使君兼是世龍孫
溪谷句曲清連底
酒貫餘杭綠滿尊
莫道時危便乘興
騶來何處不桃源

癸卯歲毘陵會中貽同老

章碣

玉皇恩詔別星班
去歷徐方分野間
有鳥盡巢垂汴柳
無樓不到

隔淮山旌旗漸向行時擁案牘應從到日閒想憶朝天獨吟咏旋
飛新札過秦關

夏日湖上卽事寄晉陵蕭明府

章 碣

亭午羲和駐火輪開門嘉樹庇湖濱行來賓客奇茶味睡起兒童
帶簟紋屋小有時投樹影舟輕不覺入鷗羣陶家豈是無詩酒公
退堪驚日已曛

山居卽事二首

陸希聲

君山蒼翠接青冥東走江湖上洞庭茅屋向陽梳白髮竹窗深夜
誦丹經湧泉回沚魚龍烝怪石驚騰鳥獸形爲問前時金馬客此
焉還作少微星

不是幽棲矯性靈從來無意在羶腥滿川風物供高枕四合雲山
借畫屏五鹿歸來矜嶽嶽孤鴻飛去入冥冥君陽遯叟何爲爾一
炷清香兩卷經

暮冬送何秀才歸毘陵

伍喬

天馬嘶風去思長素琴孤劔稱戎裝路途多是逢殘歲杯酒無辭
到醉鄉雲傍水村凝冷片雪連山驛積寒光毘陵城下饒嘉景迴
日新詩應滿堂

送江少府授延陵後寄

伍喬

五老雲中勸學者遇時能不困風塵束書西上謁明主捧檄南歸
恩老親別館友朋留醉久去程烟月入吟新莫因官小備之任自

古鸞栖有異人

寄毘陵劉博士

宋王禹偁

毘陵古郡接江堧，赴任琴書共一船。
下岸且尋甘露寺，到城先問惠山泉。
秋蟾吐檻供吟興，野鶴偎牀伴醉眠。
官散道孤詩筆老，不應雙鬢更皤然。

餞光祿兩張卿退居

杜衍

七十引年遵禮經，君家何事最爲榮。
清朝叔姪同辭祿，歸去田園盡列卿。
遠近溪山資勝賞，往還舟楫稱閒行。
誰知東洛賢哉歎，二阮方能繼此聲。

惠山慶上人

燕肅

陸羽泉邊倚瘦筇參差臺殿映疏松五天講去春騎虎一鉢擎來
晝伏龍象閣磬敲清有韻薛庭雲過靜無蹤相逢多說遊方話知
老靈山第幾峯

題山亭

蔣堂

山亭深處枕清溪萬木回環盡翠微梅萼破香知臘近柳梢含綠
認春歸風前列嶂琴三疊雪後羣山玉四圍顧我此來盤礴久塵
勞瀟酒頓忘機

常州李使君被召還臺

胡宿

綠轡仙郎第一流久拋臺直刺東州三章用法文無害五鼓人歸
挽不雷紫殿舊班趨玉筍青氍遺業敞龍樓由來廟院高情世行

看草平出兩侯

送陳學士赴常州

胡宿

金斗城高二浙西使君初拜武都泥射堂
五色開雲豹齋隊千兵
衣水犀仙閣舊香芸辟蠹使輶新蔭李成蹊
下車定有中和曲索
米州民日倚輓

送呂解元江陰禮席

胡宿

玉人仍是紫芝眉
五世嘉占得鳳飛
果滿車中潘令去
馬盤樓下
庾郎歸東牀
寄傲便便腹
北路騰裝粲粲衣
九燭夜堂開喜宴
畫鸞交扇接香幃

芙蓉湖泛舟

胡宿

清君ノ古卷三六 卷一 二
小湖香豔戰芙蓉碧葉田田擁釣篷嵐氣欲飛山隔岸秋光不定
水搖空翩翻雪鳥爭投浦撥刺霜鱗對擲風正是滄浪濯纓日一
竿多謝紫溪翁

憶薦福寺牡丹

胡宿

十日春風隔翠岑祇應繁朵自成陰樽前可要人頽玉樹底遙知
地側金花界三千春渺渺銅槃十二夜沈沈雕盤分參何由得空
作西州擁鼻吟

次韻和朱況雨中之作

胡宿

蒼野迷雲黯不歸遠風吹雨入巖扉石牀潤極琴絲緩水閣寒多
酒力微夕夢將成還滴滴春心欲斷正霏霏憂花惜月長如此爭

得東陽病骨肥

冲虛觀

胡宿

五粒青松護翠苔石門岑寂斷纖埃
水浮花片知仙路風遞鸞聲認嘯臺
桐井曉寒千乳斂茗園春嫩一旗開
馳驅未勒山亭字可是英靈許再來

送陳商學士知常州

韓琦

疊鼓聲喧下鷁舟江山蕭瑟別英游
青藜照字奇觀廢朱雀分符錫命優
霞夾烏檣晴旆卷星搖漁浦夜燈幽
尊風正熟帆無恙一色江天望處秋

有懷蔣堂侍郎

趙抃

卻憶東舟去若仙，津亭分袂忽經年。
春風鏡上無多地，夜月湖中
共一天。海閣坐觀濤擁鷺，山堂吟聽漏移蓮。
新詩往復交情見，巨
集成來已百篇。

送沈學士知常州

歐陽修

舊館芸香鎖寂寥，齋舡東下入秋濤。
江晴風暖旌旗颺，木落霜清
鼓角高吟就彩牋。賓已醉舞翻紅袖，飲方豪。
平生麤得爲州樂，因
羨君行首重搔。

饒光祿兩張卿退居

歐陽修

江左衣冠世有名，幾人今復振家聲。
朝廷獨立清光節，闔里歸來
白首卿。志在言談猶慷慨，身閒耳目益聰明。
長松野水誰爲伴，願

我堪羞戀寵榮

前題

蔡襄

人仰公材世吏師便甘歸老故園池門闌清似當官處心力強於
少壯時物理自冥非寄酒兵謀猶在卻因碁濠邊風月如招隱願
拂塵裾隨所之

前題

呂溱

江上築堂遺世塵堂中虛白見天真丹心許國平生事皓首還家
自在身水樹芬馨憐芭蕙雪軒顏色愛松筠清時解紱端榮佚不
獨賢哉詠古人

寄題常州東山亭二首

司馬光

謝傳英聲高可攀，結茅積土想東山。
常憂勝概一朝盡，豈信風流千古還。
麈尾蒲葵供永日，酒樽碁局奉歡顏。
賢侯心跡遙相望，不使蘭陵風月閒。

閑閱崔巍動四方，入門鸞鶴自成行。
青緇舊已臨佳郡，墨客新歸耀故鄉。
醉舞幾應摧屐齒，對碁正欲賭香囊。
潛庭玉樹寒相照，更使東山逸氣長。

酬邵提刑

王安石

曾詠常州送主人，豈知身得兩朱輪。
田疇汎溢川方壅，廚傳蕭條市井貧。
以我薄才思俯仰，賴君餘教得因循。
詢求故有風謠在，不獨錢詩尚未泯。

予求守江陰未得酬昌叔憶江陰見及之作 王安石

黃田港北水如天，萬里風檣看買船。
海外珠犀常入市，人間魚蟹不論錢。
高亭笑語如昨日，末路塵沙非少年。
強乞一官終未得，祇君同病肯相憐。

送沈康知常州

王安石

作客蘭陵迹已陳，爲傳謠俗記州民。
溝塍半廢田疇薄，廚傳相仍市井貧。
常恐勞人輕白屋，忽逢佳士得朱輪。
慙話此還惆悵最，憶荆溪兩岸春。

次韻舍弟常州官舍應客

王安石

霜雪紛紛上鬢毛，憂時自悔目空蒿。
桑麻只欲求三畝，勢利誰能

算一毫此地舊傳公子札吾心眞慕伯城高飄然更有乘桴興萬里寒江正復膺

思王逢原

王安石

百年相望濟時功歲路那知向此窮鸞隼奮飛凰羽短麒麟埋沒馬羣空中郎舊業無兒付康子高才有婦同想見江南原上墓樹枝零落紙錢風

寄朱昌叔

王安石

清江浸浸遶城流尙憶城邊繫小舟射虎未能隨李廣割雞空欲戲言游雲埋塞路驚塵合霜入春風滿鬢愁此日君書苦難得漫多鴻雁起南州

寒食日常州宴春園

陳襄

曲池收雨靜無塵
結客畱連半日春
洞裏桃花青葉嫩
牆頭杏花火
綠烟新風光冉冉
非前日物色依依似
故人官滿又歸延閣去
忍將詩酒負佳辰

送王郎中知江陰

梅堯臣

持歸霄漢青綾被
去看吳都白馬潮
疊鼓渡江寒浪伏
鳴饒入境
野雲飄魚穿楊柳
誇鯨膾人采芙蓉
學細腰家有三槐爲太守
弟兄誰似李文饒

送江陰簽判晁大祝

梅堯臣

去無珠履爲上賓
進船申浦憶春申
江田插秧鶉鴝雨
絲網得魚

雲母鱗青天折桂香未滅紫豉煮蕪甘更新平時況可樂風月吳
物信美聊前陳

次蔣穎叔韻

蘇軾

月明驚鵲未安枝一棹飄然影自隨江上秋風無限浪枕中春夢
不多時瓊林花草聞前語罨畫溪山指後期豈敢便爲雞黍約玉
堂金殿要論思

惠山謁錢道人烹小龍鬪登絕頂望太湖 蘇軾

踏遍江南南岸山逢山未免更畱連獨攜天上小團月來試人間
第二泉石路縈迴九龍脊水光飜動五湖天孫登無語空歸去半
嶺松風萬壑傳

錢安道席上令歌者道服

蘇軾

烏府先生鐵作肝，霜風卷地不知寒。
猶嫌白髮年前少，故點紅燈雪裏看。
他日卜鄰先有約，待君投綬我休官。
如今且作華陽服，醉唱儂家七返丹。

除夜野宿常州城外二首

蘇軾

行歌野哭兩堪悲，遠火低星漸向微。
病眼不眠非守歲，鄉音無伴苦思歸。
重衾腳冷知霜重，新沐頭輕感髮稀。
多謝殘燈不嫌客，孤舟一夜許相依。

南來三見歲云徂，直恐終身走道塗。
老去怕看新曆日，退歸擬學舊桃符。
煙花已作青春意，霜雪偏尋病客鬚。
但把窮愁博長健，不

唐和入色卷之三十一
辭最後飲屠酥

常潤道中寄述古

五首
錄一

蘇軾

惠泉山下土如濡
陽羨溪頭米勝珠
賣劍買牛吾欲老
殺雞爲黍子來無
地偏不信容高蓋
俗儉真堪著腐儒
莫怪江南苦畱滯
經營身計一生迂

贈惠山僧惠表

蘇軾

行徧天涯意未闌
將心到處遣人安
山中老宿依然在
案上楞嚴已不看
敲枕落花餘幾片
閉門新竹自千竿
客來茶罷空無有
盧橘楊梅尚帶酸

張公洞

蘇軾

亂山深處白雲堆地拆中空洞府開
繭裹有天含宇宙瑤臺無路
接蓬萊金芝春暖青牛臥珠樹月明黃鶴回
此日登臨興何限春風吹綻碧桃腮

前題

楊傑

慶厯初還自雪川曾攜琴酒訪真僊
洞天不隔三千界俗駕重來
四十年羽寶結成鍾乳石朱藤蒙罩
畫谿船樵夫不識頤山叟欲
與何人講易篇

題季子墓

曹確

人間不記吳王事江上今存季子宮
壞壁亂飄青蘚雨破簷時蕩
白榆風衣冠何處埋春草雞酒長年
任野翁下馬一看思舊德浮

名應與暮雲空

訪慧山錢道人不遇

周邠

登山穿破亂雲堆不見高人眼倦開門掩水聲閒白日路無車跡
長蒼苔牆頭五柳空搖曳池上雙鳧自往來却棹扁舟自回去過
江思上子陵臺

遊張公洞呈知縣

蔡肇

髯仙御氣已超昇巖洞千秋冷不扃若許殘鉛除白髮敢辭長鑊
斷青冥壇場歲爲民祈福蒿艾時因鬼乞靈他日重來尋石髓絳
雲深處讀黃庭

髯仙御氣歎雲扉洞戶千秋敞翠微
萬馬至今來祕祝芻蕘聊復

借餘威石房故劔龍隨勢空竈殘丹鼠輒飛欲煉刀圭畱齒髮山頭白鶴幾時歸

聞霍仁仲唱名第一

鄒浩

吾鄉魁選久蕭條深喜高才遇聖朝天子六龍飛紫極狀元一鶚奮丹霄拜親此日榮誰及報國他時事更超四海譴然重改觀常州真是出英標

謝黃從善司業寄惠山泉

黃庭堅

錫谷寒泉掬石俱并得新詩蠶尾書急呼烹鼎供茗事晴江急雨看跳珠是功與世滌羶腴令我屢空常宴如安得左幡清潁尾風爐煮餅臥西湖

掬井旁
山石

戲孫仲益暮春自尙書郎予告迎婦澗東畱毘陵久之

汪藻

尊酒相逢襍飲初花飛柳暗忽春餘不嗔太史牛馬走許醉郎官
櫻筍廚幸有雪兒歌妙句何妨雲液載行車只愁人誤刀頭約新
月娟娟已鏡如

遊張公洞

曾幾

張公洞府未著腳向人浪說游荆溪欲看直上翠羽蓋不惜扶下
青雲梯勁風翻動土囊口暗水流出桃花蹊却將深處問兒輩一
夕飛夢窮攀躋

宜興邵智卿天遠堂

曾幾

日極雲沙靜渺然
邵卿風月過年年
雁行滅沒山橫晚
漁艇空漾水接天
南國棠陰春寂寂
東風瓜蔓日綿綿
問君許作鄰翁否
陽羨溪邊卽買田

發宜興

曾幾

老境垂垂六十年
又將家上鐵頭船
客甯陽羨祇三月
歸去玉溪無一錢
觀水觀山都廢食
聽風聽雨不妨眠
從今布韞青鞵夢
不到張公卽善權

吳傅朋送惠山泉兩瓶竝所書石刻

曾幾

錫谷寒泉雙玉瓶
故人損惠意非輕
疾風驟雨湯聲作
淡月疏星茗事成
新歲頭綱須擊拂
舊時水遞費經營
銀鉤蕙尾增奇麗
併

得晴窗兩眼明

題義興惠聲伯溪亭

孫覲

小檻天紅直欲然
喬林老翠自生煙
雲蘿屬地青霞帔
雨莢填溝赤仄錢
折柳貫魚初受釣
解鱖換酒看垂蓮
便須秉燭追良夜
花滅春歸又一年

臘菴浮天閣

孫覲

黃蘆吹雪滿汀洲
萬里煙波接素秋
數點征帆天上落
一輪斜日水中流
長橋踏月隨南岸
小閣浮天賦選遊
便買一舟爲泛宅
此生何必老菟裘

送梁仲謨尹武進

李綱

除書新捧出鑿坡夕買蘭舟下潞河聖主行施新政令黎民重聽
舊絃歌月生臨海潮初長楓落吳江舟正過懸想公餘畱逸興六
龍城邑鬱嵯峨

善權卽事

其三
不錄

李綱

荆溪移擢雪漫漫皓色連空眼界寬練帶縈迴迷繹畫玉屏嶺翠
失銅官風飄珠蕊來予圃槎泛銀潢到廣寒安得丹青似摩詰生
絹寫作畫圖看

山崦溪灣三四家竹籬茅舍暮煙斜仙村自種田田玉梅徑疑開
處處花近渚冰消迷浴鷺遠林煙暝數棲鴉年年值雪長爲客對
此悽然感歲華

正月十九日五更詣天慶觀謝雪聞都下尺雪旬日而毘陵
三四日微雪而已

楊萬里

元宵風物又闌珊閉閣何曾出一看尙覺燭光欺病眼旋添衣著
試春寒中都尺雪逾旬許此地飛花逐片乾不待珠宮香火了海
風吹上紫金盤

寄茶與尤延之延之再寄黃蘗

楊萬里

詩人可笑信虛名擊節茶芽意豈輕爾許中州眞後輩與君願渚
敢連衡山中寄去無多子天上歸來太瘦生更送玉塵澆錫水爲
撥孔思與周情

次李侔子壽郡集詩韻

楊萬里

蒼碧新煎第二泉，博山深炷古龍涎。草予願我非揚子，能賦如公
是仲宣。詩社自甘編下戶，醉鄉何苦不開邊。窮州地主慚司業，不
解時時與酒錢。

多稼亭前兩檻芍藥紅白對開二百朵

楊萬里

紅紅白白定誰先，嫋嫋娉娉各自妍。最是倚欄嬌分外，卻緣經雨
意醒然。晚春早夏薄無伴，暖豔晴香正可憐。好爲花王作花相，不
應只遣侍甘泉。

暮雨既霽將兒輩登多稼亭

楊萬里

一霎滂沱一霎晴，簷間點滴尙殘聲。水將樹影亂搖碎，月與日光
相對明。試數六宵還五雨，坐令夏熱作秋清。兒曹小住休歸去，更

聽風蟬子細鳴

苦熱登多稼亭

楊萬里

日腳斜紅欲暮天倚欄垂手弄雲煙兩行相對樹如許一葉不搖
風寂然剩欲啜茶還罷去卻愁通夕不成眠黑絲半把垂天外白
雨初生遠嶺邊

吏散庭空便悄然不須律日始偷閑鷗邊野水水邊屋城外平林
林外山偶見行人回首卻亦看老子立庭閒暮蟬何苦催歸急只
待涼生月半環

懷古堂前小梅漸開

楊萬里

梅邊春意未全回淡日微風暗裏催近水數枝殊小在一梢雙朵

忽齊開生愁落去輕輕折不怕春寒得得來腸斷故園千樹雪大
江西處亂雲堆

隨意行穿翠篠林暗香撩我獨關心遙看小朵不勝好走近寒梢
無處尋未吐誰知膚底雪半開猶護蕊頭金老來嬾去渾無緒奈
此南枝索苦吟

絕豔元非著紛團真香亦不在鬚端何曾天上冰玉質卻怕人間
霜雪寒枝似去年仍轉瘦花於來歲定誰看老夫官滿梅應熟齒
輒猶禁半點酸

揀得疏花折得回銀瓶冰水養教開忽然燈下數枝影喚作窗間
一樹梅歲律又殘還見在我頭白白不須催相看姑置人間事嚼

玉餐香燕一杯

寓倅廳寒夜不寐

楊萬里

不堪斜雨打虛窗，只願晴陽送曉光。
自是老人眠不著，近來春夜幾曾長。
樓頭吹動梅花曲，夢裏猶疑燕寢香。
道是官居如客舍，等閒一宿兩年強。

游惠山

樓鑰

石徑縈迴入翠林，廿年故步喜重尋。
千山直上雲扉啟，萬木陰中古殿深。
泉水泓澄風拂拂，洞門幽杳晝沈沈。
調琴淪茗清無限，倦客忘歸到夕陰。

周將軍廟觀岳侯石像

侯祠初毀，道士不忍壞侯像，沈荆溪中因得不壞。

薛季宣

萬死何知獄吏尊威名蓋代古難存

侯初下大理獄吏執筆請辭大書其紙尾而吐之曰汝觀

今世烏有大臣繫獄而生者趣具成案吾爲汝書

二桃豈爲功高賜一舸不容身退論幾

爲飲江思道濟繆爲圖像削王敦沈碑千古蛟川恨畱與無窮客

斷魂

問道宣興二首

岳珂

買田陽羨說東坡想見溪山勝槩多曾是中營誇繡帽尙傳遺廟

鎖雕戈斬蛟義槩人猶記化蝠仙蹤事易謫我欲問津先訪古古

靈題跡試摩娑

宣興張公洞洞刻古靈題跡客有爲予言古靈後乃仙去者末句故云

粹儀夾綻盛花鈿人說先朝祀玉仙卷盡有谿春不老鍊丹無竈

古空傳乞靈贖擬羞蘋藻養性何勞學永鉛書閣蒼龍應不遠爲君重寫白雲篇

天申宮夾紵玉仙聖母章聖禱嗣之所

晨日湖汶至青口有數老父攜筐筥拜道旁問之則山居之民紹定中嘗以摘山爲香蘭寨兵所擾予時將指淮東爲直之適見騶從問予之姓曰是姓稀必吾官也以新茗爲贄予笑遣去遮道不已因感其意卻而謝之有賦 岳珂

路傍迎拜正紛紛尙憶鋤山話事因老去可憐心尙在姓稀猶是耳曾聞驛道少日傳行客犬吠多年絕過軍慚愧一錢無以稱殷勤寄語若耶雲

趙龍學寄陽羨茶爲汲蜀井對瓊花烹之 方岳

三印誰分陽羨茶自煎蜀井淪瓊花數間明月玉川屋兩腋清風
銀漢槎團鳳烹來奴僕等老龍畢竟當行家相思幾夢山陰雪搜
攬平生書五車

過無錫

并序

文天祥

已未予攜弟璧赴廷對嘗從長江入襄河趨京口回首十八年
復由此路是行驅之入北感今懷昔悲不自勝

金山冉冉波濤雨錫水泯泯草木春二十年前曾去路三千里外
作行人英雄未死心爲碎父老相逢鼻欲辛夜讀程嬰存趙事一

回惆悵一沾巾

追賦暮遊

并序

許月卿

余庚子冬挈眷離廣陵將肆奉常試業于京師舟泊無錫日已暮與王希聖微服遊南禪蓋訪古也參寥題名壁無恙寺記有碑碑陰結字甚偉視之蔡京也出門煙樹蒼然數僧偶語而已余與希聖卻立四顧曰此佳景也當寫之爲詩而舉子業亂其中不能就暇日追想宛在其目爲詩以寄希聖其明年冬十一月也歲月驅人又可一慨

錫山舟泊似荒村微服南禪古蹟存壁上姓名今已遠碑陰人物了能言薄游草草雲侵岫遠思悠悠風滿軒攜手出門煙樹密數僧離立語黃昏

過常州

汪元量

渡頭風起柳搖絲，
丁卯橋邊屋已稀。
河草青青淮馬健，
江花冉冉海鷗肥。
一尊酒對三人飲，
八字帆分兩岸飛。
天末有人難問信，
仲連東去不須歸。

題莫城廟

鄭夷亮

晚唐藩鎮盛威通，
世襲江南割據雄。
僭偽削平真主出，
車書混一晉天同。
想憑伯氣偷安日，
坐恃邊臣捍禦功。
荒草莫城遺廟在，
插雲喬木戰秋風。

浮遠堂

史寯之

釀酒臨江望石灣，
松風引上白雲關。
潮吹海雨來無際，
帆逐天風去不還。
千仞振衣聊遣興，
一江如帶敢偷閒。
老懷撫事偏多感，
莫

指中原幾點山

白龍寺祈雨

徐綱

萬木梢頭見塔尖道人於此卜幽潛
深林六月風敲竹古寺三更月入簾
天旱蛟龍藏窟宅水枯魚鼈露鬚髯
我來赤日祈甘雨臥聽蕭蕭瀉屋簷

題宜興迎華驛

無名氏

建炎閒

家問不來秋夜長白鷗眠處倚牙檣
風搖湖水動山影天壓隴雲低雁行
菊老過時猶嚼蕊魚逃無水尙鳴榔
洗兵馬詔何時下免遣農夫坐女牆

遊南山

元趙孟頫

絕頂清秋凌翠煙登臨應費酒如川平生能著幾兩屐負郭何須
二頃田初日出雲光射地雙谿入湖波接天升高望遠我所愛青
壁有路何當緣

過毘陵謁東坡祠

方回

至和嘉祐政途開老鳳將雛出蜀來父子聲名天宇小弟兄筆陣
海潮回岷峨一氣鍾三傑杜富諸賢得異才二百年來拜遺像堂
堂直氣尙崔巍

毘陵道中

戴表元

百年只有百清明狼狽今年又避兵烟火誰開寒食禁簪裾那復
麗人行禾麻地廢生邊氣草木春寒起戰聲渺渺飛鴻天斷處古

來還是闔閩城

張仲賓得江陰教官次鄧善之韻送之

戴表元

吳天東望碧雲漫憶寄翩翩古錦端萬事江湖違老懶一尊風雪
且清歡青春處士梅華瘦白日王孫蕙草寒上國重儒君已起坐
羶休作廣文歎

浮生如此欲安歸裘馬登臨意轉微海氣白連江北遠淮山青過
浙西稀只應酒賤春攜客莫爲吟多晝掩扉書版官饒閒滿屋可
能分賞賦離違

遊宜興張公洞

仇遠

天開福地據雄尊果老張公幾代孫一竅通天才直上千厓轉日

已平吞山頭白鶴來無影石上青螺去有痕我欲放身如脫屣仙
凡一轍隔重關

過長橋書所見

曹伯啟

柳如青幟導姑蘇橋若垂虹飲太湖渺渺天光接波浪淒淒秋色
上菰蒲行囊只賸新詩藁身世端如古畫圖獨倚危闌追往事鴈
銜霜信下平蕪

送徐元度

并序

虞集

毘陵徐君元度方弱冠時學于鄭明德文藝穎出識者有望焉
某於豫章見之則從事帥垣出掾浙省而至於斯也蓋二十有
四年矣雍容有文進退以度識大體不汨於流俗慎言敏行名

實孚於上下鴻漸之羽翱翔于天亦維其時也哉至正乙酉正月
上吉將爲外宰相報政於中若夫方物之獻貢賦之數有司
之常事也在元度優爲之矣明良在上顧惠遠人外將有問焉
羣賢方以文學治道佐明時當有知元度而進之者賦詩以送
之

起家辟掾三公府挂笏西山度幾年故舊總懷天下士風流更重
幕中賢香煙滿袖遊絲夢春水如天上計船三月香花鷓鴣裏題
詩還向遠人傳

遊惠山寺

楊載

此泉甘冽冠吳中舉世咸稱煮茗功路轉山腰開鹿苑池攢石骨

闕龍宮聲喧夜雨聞幽谷彩發朝霞炫太空萬古長流那有盡探源疑與海相通

贈惠山聖長老

楊載

道人卓錫向名山路絕巖頭未易攀海上潮來風浩浩洞中雲出雨游游松栢直起參天碧苔蘚旁行市地斑籍甚後人蒙法施有如流水注蒼灣

予與江陰何鼎叔鉉別三十六年乃相見於錢唐感舊述情
謾成四韻

黃潛

月寒霜樹久相依春去風花各自飛遠信已隨潮水斷故交渾若曉星稀綿袍可戀知誰在青鏡頻看歎昨非正欲從君共傾倒莫

言興盡便須歸

季子廟

薩都刺

公子不來春草綠故宮禾黍亦離離
泂源尙有千年井古篆猶存
十字碑去國一身輕似葉歸田
兩鬢細如絲李家兄弟一朝暮
羞見延陵季子祠

送約上人歸宜興湖嶽寺

薩都刺

雲水上人歸興忙棕屨蒲扇葛衣涼
過湖就得鄉船便入寺行穿
茶樹香曉趁鐘聲持鉢夜隨燈影認禪牀
定回却憶潛龍地曾住西廊第幾房

強振之招遊祭山新築別業卽賦

秦少游
墓在西

柳貫

明陽觀後惠山前新營堂館貯風烟藤陰不蔽淮海墓茶井遙分
桑苧泉好景正須多領畧佳辰且復少畱連劉伶一鋪太早計却
要冥靈受大年

畱題惠山

移刺迪

參差樓閣古招提猶有石上唐人題潭影空明天上下蘚痕生澀
路高低泉香茗細僧清供竹密花深鳥亂嘯已負平生巖壑趣馬
蹄羞踐綠莎泥

前題

柯九思

騎馬東華塵滿道山川如此不曾來清泉白石何年有翠石蒼松
古殿開幽人試水嘗春茗過客題詩坐雨苔杖藜絕頂便疏曠日

暮浮雲天際回

送王誠夫無錫知州

柯九思

黃金橫帶爛輝光
出守甯辭道路長
鵷序久陪蒼水使
鳳池曾赴紫微郎
雙旌坐鎮清溪月
列戟看凝燕寢香
肯汲山泉見寄青
春煮茗當還鄉

天慶觀丹樓

陸文圭

丹樓獨倚對青山
山色依稀十二鬟
曉氣淨連江樹碧
秋雲低護石苔斑
仙人長嘯聞天外
羽士吹笙帶月閒
安得置身蕭爽地
卷簾時待鶴飛還

遊梁溪暮歸

朱德潤

古樹呼風作雅音石梁溪渡景沈沈山橫宿靄曉晴薄人倚曲闌
秋思深潁水空遺黃鶴恨茂陵多感白頭吟棲遲莫厭歸來晚明
月驚鳥繞故林

題常州玄妙觀陳道士飛霞樓

朱德潤

綺結飛霞散滿空闌干高倚夕陽中沖融晝景橫窗碧絢爛晴光
入座紅宛有霓旌來漢表直疑蜃氣出城東樓居自是神仙宅不
待乘橋躡彩虹

舟過毘陵

周權

數家烟火自成鄰寂寞荒祠野水濱壞屋有基餘瓦礫古墳無主
自荆榛暄風綠樹鶯聲老曉雨青郊虎跡新四月三山山下路野

田猶殿菜花春

惠山懷古

王仁輔

紅杜溪邊艤小舟
青蓮宇內作清遊
土花繡壁澹如畫
嵐翠潑雲濃欲流
短李清風存古意
大蘇團月洗春愁
摩挲泉石舒長嘯
未羨神僊十二樓

題沖寂觀

陳鈞

琴聲邀我鶴壇遊
瘦馬遙途得暫休
黃葉兩谿山徑晚
白雲一枕石牀秋
丹泉月靜曾飛兔
怪樹年深欲化牛
忽憶波心長嘯客
淩波不假碧蓮舟

次元鎮伯雨錫山倡和之作

張翥

鷓在青林鳳在阿騷人行處有吟窩西風落木秋來早南國浮雲
日暮多欲賦朱華臨鄴水可堪白芷怨湘波期君不負湖山約來
聽吳儂欸乃歌

題廣福寺古田上人水榭

張翥

千秋遺跡大溪邊新築精藍喜老禪故事倡從張句曲高風畱在
杜樊川碁燈照夜藏書閣棹雪衝寒載酒船賸欲題詩寄幽賞鵝
鷄飛處水如天

送謨侍者還江陰

張翥

禪穢無塵錫杖青一龍天竺更南屏楊枝偏灑餅中水貝葉時繙
笈內經舊業池菱秋漠漠歸舟江樹曉冥冥今朝又作蕪城別何

處鐘聲入夜聽

澄江詩社賦得斬白蛇劍

張端

芙蓉秋水湛青萍
曾伴高皇起沛亭
蛇斷恍聞神姬泣
人傳疑帶鮑魚腥
山河帝業憑三尺
雷電龍光護百靈
卻笑豐城深瘞土
精英空射斗牛星

翠光亭

陳樵

亭前練水細如縈
亭上君山玉作屏
林斷才通吳月白
鴈飛不盡楚天青
莓苔著雨長黏石
翡翠迎風欲墮翎
怪得步兵迷望眼
詩成正值酒初醒

送韓仲讓都司梁溪防秋

成廷珪

今人勲業古人心立馬梁溪恨滿襟兵讖漫傳山有錫軍裝端信
橐無金風高故壘黃雲晚霜落平原白草深南省相君方倚重區
區窮虜敢相侵

笠澤漁隱

陳子貞

方塘如鑑石如峯落葉平蕪覆一重雲作晚陰低薜荔水涵秋色
亂芙蓉黃冠道士松間過白雪漁舟月下逢尙想天隨無俗伴應
攜茶竈與從容

遊惠山

陳方

僧居高處接雲霞村市周遭石徑斜細細山泉爭入澗雙雙水鳥
靜眠沙佛前風動杪擢樹溪上春雷躑躅花十五年來頭漸白倚

關仍舊一烏紗

君山登覽

貢師泰

畫橋垂柳傍官濠
夾岸青山湧雪濤
楚相邱墟遺石馬
梵王宮殿壓金鰲
天迷鴻鴈江流闊
風撼魚龍海氣高
此日登臨無限意
古今消盡幾英豪

遊錫山

陳基

舍權入林行犖确
清秋到寺見陵嶒
雨邊雲合惟高竹
樹徧龍纏是古藤
地近梁鴻傳野老
泉因陸羽重山僧
茲遊不遂能同去
興發終須著屐登

次韻懷柔幼武

陳基

滑滑春泥滿郡城，出門騎馬不堪行。未能學道從緣母，且復忘憂對麴生。流水小池垂釣影，春風深巷賣花聲。停雲賦罷心如渴，安得滄浪濯我纓。

題清閨閣

倪瓚

眼見藤梢已過牆，手拈書卷復堆牀。閒臨水檻親魚鳥，欲出柴門畏虎狼。冠製不嫌龜殼小，衣裾新翦鶴翎長。從來任拙惟疏懶，一月秋陰不下堂。

西神山行

倪瓚

昔往九龍雲霧中，泉邊蠟屐徧行蹤。南樓明月看時好，西澗故人行處逢。亂後不聽鶯鶴錫，夢回猶憶下堂鐘。休兵卽欲幽棲去，見

說禪房膝可容

薩仲明爲丞相府掾時僦居京師名其軒曰半野後買宅延陵亦揭是名軒因雨宿其下遂爲賦此

倪瓚

何意開軒名半野身存魏闕思江湖斜侵瓜圃通花藥稍傍薇垣近竹梧千里秋風催斫鱸九霄晨露泄飛鳧如今別買荒城宅自掃風林候野夫

送寶南琛往住荆溪碧雲寺兼簡方厓

倪瓚

碧雲林壑杳重重此去風流似簡公春藥確閉湍激下吟秋蛩響月明中結茅擬候芝三秀眠鹿應遺地一弓聞道重居開竹牖待

子延子過溪東

荆溪卽事

倪瓚

銅官之山溪水南周處廟前多夕嵐看卷雲帆歌白紵勸嘗春酒
破黃柑長林獨往誰能覓幽事相關性所耽苦欲避喧那畏虎倘
從地主結松龕

登惠山二首

至正辛卯八月二十四日

顧瑛

對郭依山千古寺穿雲路遠石嶒峻殿前樹落莎羅子塘上花牽
薜荔藤遺像儼存嘗水廟長廊亦有注茶僧荒苔舊刻無人打巖
壑秋清盡日登

寺門深據白雲堆殿腳參差見石臺一水暗從源底出九龍青入
雨中迴鼠偷山果時時落鼃觸池萍隊隊開此日登臨絕惆悵雲

林不見酒船來

同華處士酌惠泉

俞焯

金錫之精流作泉千古萬古寒涓涓九龍守護此一勺陸羽嘗來
今幾年論品不在中冷下著句要出唐人先便從處士假一榻我
欲煮茶供醉眠

惠山寺行殿

宋高宗駐
蹕於此

杜竹處

渡江五馬竟忘歸愁見年年鴈北飛千里版圖非故國六朝基緒
幾危機烟藏經葉閒僧錫風落松花上客衣前輩衣冠已塵土空
留碑碣枕斜暉

題麻監州墳

在錫邑
西郊

范致大

一自孤墳起翠微，空山草木亦生輝。
賀蘭竟後霽雲死，杜季甯邊馬援歸。
義魄不隨黃土化，英靈長共白雲飛。
篤交卹幼端奇事，慚愧梁溪一布衣。

宿黃吉甫翠渙園

全萬佛林

張獻翼

名園池館大江隈，車馬時過海內才。
千里襟期同命駕，百年風物此登臺。
披圖而面青山合，倚杖時時秋色來。
十日淹留君不厭，可能還待菊花開。

中秋夜泛舟鷺湖

周翼

八月十五夜何其，鷺湖漾舟人未歸。
水生金浪兼天湧，雲渡青冥傍月飛。
鴻鴈沙寒微有影，菱荷秋冷不成衣。
故人一去渺何許，黃

鶴舊磯今是非

經無錫觀二泉

黃鎬

尋幽偶到惠山隈山勢崢嶸曙色開雲氣溼衣看不定水聲入座聽還來鳥窺茶竈逢僧寺風起寒潭上酒杯愧我未應忘俗慮也將纓冕濯塵埃

善權山洞

張雨

善權離壘爭盤紆浩劫礪何仙人廬莘莘石林壓水府往往間道通樓居壁藏已出黃素卷穴處猶多青綠魚愛此長連煮茶竈待我盥漱清遺餘

題雲林居

張雨

湘簾半捲雲當戶野鶴一聲風滿林才展簾紋波細網又疑晴影
雪陰陰竹搖琴几常開帙花落藜牀獨抱琴不謂世間能得此恍
然飛屩駐仙岑

宿馬跡山殷南山煉師道院既還鴻山畱別八句

王逢

道士偶見苦竹灣畱我養高松桂關龍蟠大澤雲水晦馬跡巨石
土花斑綠章奏夜百靈集素髮看春一鶴閉忍上歸舟卻回首
裊清磬烟嵐間

送安上人歸馬跡山

王逢

插竹山中偶出游折蘆濠上卽歸休踞牀獅子聲方吼蹄鐵龍駒

跡間畱花雨六時紛似雪松風五月冷於秋客來認得南泉斧七十二峯應點頭

無錫寓隱謝王左丞彥熙攜酒僕遠過

王逢

玉帳旌旂拂紫冥樓船神物護青萍風雲密擁將軍樹江海孤懸處士星深愧草茅優簡拔未忘蒲柳易飄零竹西歌吹高陽酒喜爲尋春過野亭

題鄒旅雲青山老隱圖并引

王逢

青山老隱圖者予友鄒君時昌追慕其先道鄉先生而作也先生有墓有祠在毘陵青山門外中書左丞呂公思誠爲浙憲時嘗展拜祠下命有司禁樵採後毘陵失守時昌避地海上欲歸

省不可得乃繪是圖復自號曰青山老隱以示不忘首邱之義
子敬題以詩

青山郭外道鄉祠宰木溪毛幾歲時繡使罷申芻牧禁畫圖深寓
釣游思疏星皓月飛烏鵲細雨東風過子規更有張翰首邱賦情
子盥露寫烏絲

題張會嘉桶底圖

并跋

王逢

道者深藏玉斧才罷修明月下蓬萊笑隨流水天台去袖裏登州
海市來霧幌雲窗開翠壁異薌靈響接瑤臺神遊萬里愁回首故
國蒼涼獨鴈哀

右是圖出吾鄉葛氏葛氏世居青陽鄉宋名臣郊之後內附初

家貧惟母在夫婦資賣酒以養兒爲具務罄利之入極母所嗜
好或雨雪晦暮庭戶掃迹屢傾貲如其奉一夕有老道士酷百
錢已宿焉明日夫婦蚤作候道士不見問諸保者曰道士耐寢
時見一彈丸丹光奕奕射木榻外旣聞爪甲聲若蟲食桑霍然
餘不知也夫婦驚惋熟視臥內惟有所刻畫桶底耳當是時好
事者購墨木惟恐後而母氏卒賴以壽終君子謂葛夫婦孝感
所致云

觀大府除日盧宜興希文知崑山奉寄四韻 王逢

使君紫馬被金鞵七載宜興屢被圍寸土曾無蜚蟻援餘生終與
鴈鴻歸寒甬松菊風霜節春斡東南造化機喜有老成同在選山

人何厭辟蘿衣

答元鎮

楊維禎

不見故人東海迂，閉門著作近何如。今年已了婚兼嫁，小困能傳畫與書。蠻妓索花騎驥，鬻蕃童汲水飲蟾蜍。絕憐寒林好與千重開，萬卷餘。

雲林草堂答元鎮次韻

楊維禎

坐斷深林事不聞，西窗風日愛餘曛。舊經高赤尋三傳，新詠山王削五君。翠篠侵牀落空雪，石池洗硯動千雲。東鄰書屋最相憶，莫遣草堂移浪文。

訪倪元鎮不遇

楊維禎

常郡八邑藝文志卷十一元七言律

霜滿船篷月滿天飄零孤客不成眠
居山久慕陶弘景踏海深慚
魯仲連萬里乾坤秋似水一窗燈火
夜如年白頭未遂終焉計猶
欠蘇門二頃田

過毘陵東門寺敬公畱飲鎖翠亭兼簡陶師晉

華幼武

四簷修竹絕煙埃滿地清陰覆綠苔
冉冉只疑雲影去蕭蕭却訝
雨聲來深林掃榻期餘暇高節題詩愧不才
驪馬在門城郭暮直
須邀月共銜杯

自延陵歸適馬跡山鈕彥功惠貺多品以詩謝之

華幼武

旅宿延陵故舊疎歸來喜得萬金書
兵戈契闊親逾密篋篋交陳
禮不虛山茗久藏春雨後園梅新
摘曉煙初似岡鄰郭猶紛擾何
暇馳情念素居

與華景章遊惠山

馬治

華坡春水綠漪漪二月西山雪後時
舊宅重尋孝子傳新年又赴
故人期鶴呼竹日當窗淡僧定茶
烟出閣遲我欲同修清淨業泉
頭來記四賢祠

次韻范德原與倪元鎮城南倡酬之作

張簡

高士叩門方倚馬先生與客正爭棋
也知溪上多佳集亦到山中
傳好詩滿地綠陰趺坐處隔林黃
鳥把杯時城南我欲相尋去買

下扁舟恐後期

華孝子祠

顧諒

西風短轡出遲遲爲謁南朝孝子祠
白髮滿頭猶未冠苦心千載
不勝悲寒烏夜宿庭前樹衰草
秋連塚上碑我亦生平有深感
長歌獨渡滄交頤

端居

繆鑑

修竹垂楊映戶栽清風長送午陰來
門因好客時時掃窗爲看山
面面開此樂恐於兒輩覺長貧
難免俗情猜儒衣不似牛衣好
分付山妻放窄裁

孤山觀濤有感

李令哲

蕭蕭寒日孤峯上漠漠平沙萬里開
峽束江濤吹地急天清鴻鴈
向人來上林苑裏稀書札西塞山前只釣臺
時事屢聞明主詔風雲更切故人懷

常郡八邑藝文志卷十二